


Iniziativa dil pievel ella Cadi

Lantschar contractivas da fusiun ella Cadi (Medel/Lucmagn, Disentis/Mustér, Sumvitg, Trun, Tujetsch)

Sebasond sin:

- Art. 15 dalla constituziun communal Medel/Lucmagn
- Art. 17 dalla constituziun communal Disentis/Mustér
- Art. 17 dalla constituziun communal Sumvitg
- Art. 15 dalla constituziun communal Trun
- Art. 13 dalla constituziun communal Tujetsch



pretendan ils iniziants:

“D’instradar el decuors dil schaner 2017 contractivas da fusiun denter las vischnauncas da Medel/Lucmagn, Disentis/Mustér, Sumvitg, Trun e Tujetsch. La cumissiun preparatorica ei cun integraziun digl uffeci cantunal da vischnauncas d’accompagnar professionalmein ed ils mieds finansials necessaris persuerter ein da conceder. La cumissiun exista ord ils presidents communs, ils canzlists, ils deputai ed ils iniziants dallas vischnauncas corrispundentas. Deputai che vulan ni san buca prender part ella cumissiun ein da remplazzar cun ina persuna ord la suprastanza communal. Mandats dubels ein medemamein da replazzar cun ina persuna ord la suprastanza communal dalla vischnaunca pertuccada. La cumissiun ei d’occupar cun maximal quater persunas ord mintga vischnaunca (pia total 20 persunas). Finamira ei da suttametter alla populaziun dallas vischnauncas numnadas entochen igl onn 2019/2020 in messadi corrispundent sco basa da decisiun. La cumissiun preparatorica ha d’informar la populaziun davart il svilup ed il progress.” (Per simplificaziun vegn mo duvrau la fuorma masculina)

Argumentaziun:

- Sепрепарar comunablamein il meglier pusseivel sin las sfidas futuras cun formar ina strategia cumplessiva e regionala enteifer las vischnauncas da Medel/Lucmagn, Disentis/Mustér, Sumvitg, Trun e Tujetsch.
- Professionalisar e modernisar las structures politicas ed administrativas per aschia saver porscher da tut temps prestaziuns dad aulta qualitat.
- Crear bunas premissas per saver occupar ils uffecis politics communs.
- Nezegiar nossas resursas e las sinergias effizientamein ed optimar la sostanza finanziaria dallas vischnauncas cun priorisar projects e focussar sigl impurtont. Decisiv ei da cumpletar in l’auter aschi bein sco pusseivel.
- Profitar dallas considerablas contribuziuns finansialas ch’il cantun presta dapresent per fusiuns da vischnauncas.
- Fixar comunablamein bunas cundiziuns da rama per nies commerci indigen, per l’economia ed il turissem, cun la finamira da schaffir novas ni silmeins mantener e segirar las plazzas actualas en nossa regiun.
- Defender nos interess e rinforzar nos projects sco era nossas intenziuns comunablamein en nossa regiun. Cun esser solidarics ed units demussein nus forza e pussonza enviers tiarzas persunas, partenaris ed enviers il maun public.
- Procurar comunablamein per bunas cundiziuns da viver per giuvnas famiglias ed alzar la qualitat da viver per glied giuvna en nossa regiun.
- Formar in spért regional e rinforzar quel.

Ils iniziants:

René Epp, deputau, Via Valtgeva 1, 7188 Sedrun

Donat Albin, cusseglier da vischnaunca, Via Fraissens 12, 7166 Trun

Remo Decurtins, Foppa 12, 7176 Cumpadials

Ursin Venzin, Fuorns 225B, 7185 Platta

Simon Bisquolm, Via da Scola 7, 7180 Mustér